



# Jöklaárannsóknafélag Íslands

## Fréttabréf

Nr. 12

Febrúar 1986

### AÐALFUNDUR

Aðalfundur félagsins verður haldinn að Hótel Hofi, Rauðarárstíg, þriðjudaginn 25. febrúar 1985, kl. 20:30

#### Dagskrá:

1. Venjuleg aðalfundarstörf
2. Lagabreytingar
3. Önnur mál
4. Kaffidrykkja
5. Klifur í Skaftafellsfjöllum.  
Ari T Guðmundsson sýnir myndir.

## ENDURSKOÐUN LAGA JÖKLARANNSÓKNAFÉLAGSINS

Allt frá stofnun Jökklarannsóknafélagsins þann 22. nóvember 1950 hafa lög þess að stofni til verið óbreytt. Tveir fyrirverandi formenn félagsins, þeir Jón Eyþórsson og Sigurður Þórarínsson höfðu það á orði, þegar félaginu hafði vaxið fiskur um hrygg og eignir þess aukist, að endurskoða þyrfti lögin og taka mið af breyttum aðstæðum. Því ákvað núverandi stjórn að skipa nefnd til starfans. Stjórnin hefur síðan fjallað um tillögur nefndarinnar á allmörgum fundum og ákveðið að leggja fyrir aðalfund að nokkru breytt, en verulega aukin lög til samþykktar. Fylgja hér á eftir núverandi lög félagsins og breytingatillögur stjórnar, félagsmönnum til glöggvunar.

## LÖG JÖKLARANNSÓKNAFÉLAGS ÍSLANDS

1. Félagið heitir Jökklarannsóknafélag Íslands (Iceland Glaciological Society).
2. Markmið félagsins er að stuðla að rannsóknum og ferðalögum á jöklum landsins. Það gengst fyrir fræðandi fyrirlestrum um jökla og myndasýningum þegar ástæður leyfa.
3. Félagar geta allir orðið, er áhuga hafa á rannsóknum á jöklum og jökulferðum.
4. Aðalfundur skal haldinn fyrir 1. marz ár hvert. Skal boða til hans bréflaga með viku fyrirvara a.m.k. og er hann lögmatur, ef löglega er til hans boðað. Á aðalfundi skal félagsstjórn skýra frá störfum félagsins og leggja fram endurskoðaða reikninga. Þá skal og kosin félagsstjórn og endurskoðendur.
5. Stjórn félagsins skipa 5 menn og 4 til vara. Formaður skal kosinn sérstaklega til þriggja ára í senn. Meðstjórnendur skulu kosnir til tveggja ára í senn og ganga tveir þeirra úr stjórn ár hvert, en endurkosning er heimil. Sama gildir um varamenn. Kosnir skulu tveir endurskoðendur til eins árs í senn. Stjórnin skiptir með sér verkum. Kosningar eru skriflegar nema aðalfundur óski annars.
6. Árgjald skal ákveðið af stjórn félagsins og skal tímaritið Jökull innifalið í því.
7. Hætti félagið störfum, renna skjöl þess og eignir til Háskóla Íslands, jarðfræðastofu Raunvísindastofnunar.

## TILLÖGUR STJÓRNAR UM BREYTINGAR Á LÖGUM JÖKLARANNSÓKNAFÉLAGS ÍSLANDS

1. Félagið heitir Jökklarannsóknafélag Íslands (Iceland Glaciological Society), skammstafað JÖRFÍ. Heimili þess og varnarþing er í Reykjavík.

2. Markmið félagsins er að stuðla að rannsóknum og ferðalögum á jökulum landsins, gefa út tímaritið Jökul, ásamt fréttabréfi og gangast fyrir fræðandi fyrirlestrum og myndasýningum.
3. Félagar geta allir þeir orðið, er áhuga hafa á rannsóknum á jökulum og jöklaferðum.
4. Stjórn félagsins skipa 5 aðalmenn og 4 til vara. Formaður skal kosinn sérstaklega til þriggja ára í senn. Meðstjórnendur skulu kosnir til tveggja ára í senn og ganga tveir þeirra úr stjórn ár hvert, en endurkjör er heimilt. Sama gildir um varamenn. Kosnir skulu tveir endurskoðendur til eins árs í senn. Stjórn skal kosin skriflega ef fleiri eru í kjöri en kjósa á. Stjórnin skiptir með ser verkum.
5. Stjórnarfundir skal halda svo oft sem þurfa þykir, þó eigi sjaldnar en einu sinni í mánuði á tímabilinu frá 1. september til 31. maí og ennfremur ef þrír stjórnarmenn æskja þess. Varamenn skal að jafnaði boða á stjórnarfundum. Stjórnarfundur er löglegur ef þrír aðalmenn sitja hann, enda hafi allir aðalmenn verið boðaðir. Á lögmætum stjórnarfundum ræður afl atkvæða um þær ákvarðanir sem teknar eru. Falli atkvæði jafnt skal atkvæði formanns ráða.
6. Reikningsár félagsins er almanaksárið og skal aðalfundur haldinn í Reykjavík fyrir 1. mars ár hvert. Skal hann boðaður með dagskrá í fréttabréfi sem póstlagt skal að minnsta kosti 10 dögum fyrir aðalfund og er hann þá lögmatur, ef löglega er til hans boðað. Dagskrá aðalfundar er sem hér segir:
  1. Kosning fundarstjóra og fundarritara.
  2. Flutt skýrsla stjórnar um starfsemi félagsins.
  3. Lagðir fram endurskoðaðir reikningar félagsins til samþykktar.
  4. Lagabreytingar, ef einhverjar eru.
  5. Kosning stjórnar samkvæmt 4. gr. laga.
  6. Kosning endurskoðenda.
  7. Önnur mál.
7. Tillögur til lagabreytinga verða að hafa borist stjórn félagsins fyrir 1. febrúar og skulu þær birtar í aðalfundarboði.
8. Félagsgjöld ákveður stjórn félagsins og er tímaritið Jökull innifalið í þeim.
9. Stjórnin skipar, að loknum aðalfundi, í fjórar aðalnefndir og setur þeim erindisbréf. Þær eru:
  1. Rannsóknanefnd.
  2. Ritnefnd Jökuls.
  3. Skála og birgðanefnd.
  4. Bílnefnd.Skal þess að jafnaði gætt að skipa formenn þessara nefnda úr hópi aðal eða varastjórnarmanna. Skipan stjórnar og nefnda skal birt í fyrsta fréttabréfi að loknum aðalfundi.

10. Aðalfundur hefur æðsta vald í öllum málefnum félagsins. Meirihluti atkvæða ræður úrslitum mála nema hvað varðar gr. 12 og 14.
11. Enginn getur falið öðrum að fara með atkvæði sitt á aðalfundi.
12. Eigi má breyta eignaraðild félagsins að fasteignum eða tímaritinu Jökli nema með samþykki aðalfundar og þá aðeins að 2/3 hlutar greiddra atkvæða falli í þá átt.
13. Eigi má slíta félaginu, nema það verði samþykkt á tveimur lögmætum fundum í félaginu, sem haldnir eru með minnst mánaðar millibili. Skulu þeir boðaðir á sama hátt og aðalfundur og fundarefni skýrt tekið fram í fundarboði. Verði félaginu slitið skulu skjöl þess og aðrar eignir renna til Raunvísindastofnunar Háskóla Íslands, þeirrar deildar hennar sem fæst við jöklarannsóknir.
14. Einungis aðalfundur getur breytt lögum þessum og þarf til þess 2/3 hluta greiddra atkvæða.

#### KLIFUR Í SKAFTAFELLSFJÖLLUM

Að loknum aðalfundarstörfum mun Ari T. Guðmundsson sýna nýjar myndir úr klifurferð Ísalp félaga í Skaftafellsfjöllum m.a. á þumal. Sýningin tekur um 30 mín.

#### GJÖRFI

Næstu göngudagar eru 15/2, 1/3, 15/3 mæting við Nesti Ártúnshöfða kl. 13:00.